

## ՀԱՅ — ԲՈԼՇԵՒԻԿԵԱՆ ՅԱՐԱԲԵՐՈՒԹԻՒՆՆԵՐԸ

Ինչպէս տեսանք, խորհրդայնացումից անմիջապէս յետոյ, Ազրբէջանի Յեղկոմը վերջնազէր ուղարկեց Հայաստանին՝ պահանջելով դատարկել Ղարաբաղն ու Ջանգեղուրը: Դեռ պատասխանը չստացած, մայիս 1-ին Հայաստանի կառավարութիւնը ստացաւ մի ուրիշ վերջնազէր, այս անգամ 11րդ զօրաբանակի հրամանատարութեան կողմից: Վերջնազէրը ասում էր.

«Հայաստանի և մեր բարեկամ Խորհրդային Ազրբէջանի սահմաններում շարունակում են պատերազմական դործողութիւնները Հայաստանի և Ազրբէջանի միջև: Թուսաստանի բանւորազինակազմի կառավարութիւնը իր սրբազան պարտքն է համարում բոլոր ուժերով օգնութեան հասնել Ազրբէջանի համայն աշխատաւորութեան անունից օգնութիւն խնդրող խորհրդային կառավարութեան, որպէսզի Ազրբէջանում վերջնականապէս հաստատուի բանւորա-գիւղացիական կառավարութիւնը: Անդլիայի և Դաշնակցութիւն ու Մուսաւաթ կուսակցութիւնների գրգռումով հայկական և ազրբէջանեան զօրքերի միջև ազգային հողի վրա տեղի ունեցող թշնամութիւնները շահաւէտ են միայն ճնշած ժողովուրդներին յաղթողների և Հայաստանի ու Ազրբէջանի աշխատաւոր դասակարգերի շահագործողների համար: Ազրբէջանի և Հայաստանի միջև եղած սահմանային բոլոր վիճելի հարցերը կարող են լուծւել միայն աշխատաւոր և ինքնորոշող ժողովուրդների կամքով: Խորհրդային Ազրբէջանը չի կարող պաշտպանել և ո՛չ մի չովինիստական, ազգայնամոլ և յարձակողական դործ: Ազրբէջանում այլևս չի կարող գոյութիւն ունենալ միջցեղային թշնամանք: Յանուն Թուսաստանի Սոցիալիստական Դաշնակցական Խորհրդային Հանրապետութեան առաջարկում եմ Հայաստանի կառավարութեան անմիջապէս դադարեցնել ռազմական բոլոր դործողութիւնները Խորհրդային Ազրբէջանում և իր զօրքերը դուրս հանել նրա սահմաններից: Այդ բանը պէտք է արւի ներկայ հեռագրի ստացումից յետոյ 24 ժամայ ընթացքին: Սոյն պահանջի չգործադրելը կը նկատուի իբրև մարտահրաւէր ուղղած Ռ.Մ.Դ.Ս.Հ. հասցէին: Առաջարկը կիրառործուի Թուսաստանի կարմիր բանակի ուժերով, իսկ հետեանքների պատասխանատուութիւնը կընկնի հայկական կառավարութեան վրա: Կովկասեան ճակատի Յեղափոխական Բանակի Խորհուրդ—Օրջոնիկիձէ, Առաջին Բանակի Ռազմայեղափոխական Խորհուրդ — Գիրալ, Մէխանոշիւն, Լեվանդովսկի. 1 մայիս, 1920թ.»:

Պարզ էր, ուրեմն. Խորհրդ. Ազրբէջանը Հայաստանի վերաբերմամբ անշեղ շարունակում էր մուսաւաթական Ազրբէջանի քաղաքականութիւնը, իսկ Խորհրդային Թուսաստանը ամէն կերպ աջակցում էր նրան: Ի՞նչ էր մնում անել Հայաստանին. — բողոքել: Եւ ահա սկսում է հեռագրական